

2 Peter Saint Peter Dəhtly'aa Needaantl'oo

¹ Shij t'ee Simon Peter nakhwats'a' ch'adɨhtl'oo, Jesus Christ vitsyaa ts'a' veenjit Tr'ihil'e'* ihkii.

Zhit juu Christ k'injiighit najj nakhwats'a' ch'adɨhtl'oo. Jesus, Diti' vik'eegwahthat k'iighai', Dii-Vit'eegwijyāhchy'aa ts'a' Jesus Christ haa neediinahshii. Jii vik'injigwiighit hil'ee diinantl'eiin'ajj, ajj nakhwan chan gwik'it t'ohchy'aa.

² Vit'eegwijyāhchy'aa, Jesus Diik'eegwaadhat haa goovaanandaii k'iighai' ch'eegoonzhrij, tsinehdan haa nakhwats'an oolj'.

Gwik'injigwiighit najj, Vit'eegwijyāhchy'aa K'it T'igihee'yaa Eenjit.

³ Vit'eegwijyāhchy'aa vandee ts'a' gwinzii gwizhrɨh t'igwii'in† daj' diinoozhrii ajj'tee Jesus vat'aii haa t'igwii'in gaagwiindaii. Vich'eegwāhndit ts'a' gwinzii t'ii'in kwaii datthak diits'an iłtsajj, vik'it t'igwehee'yaa eenjit. ⁴ Jii jyahts'a' t'ee gwihil'ee gwachoh diinantl'eegwehee'aa nyaq gwik'it t'iizhik, jii kwaii eh'an nankat gwiizuų t'agoo'ya' gwiindhan kwaii datthak akhagooraheenjyaa ts'a' Vit'eegwijyāhchy'aa vik'it t'igwehee'aa goo'aii. ⁵ Jii kwaii geh'an gwinzii t'akhwa'in

* **1:1** Tr'ihil'e' najj apostles najj t'arahnyaa. † **1:3** Vit'eegwijyāhchy'aa vandee ts'a' gwinzii gwizhrɨh t'igwii'in t'ee righteousnes varahnyaa.

gwik'eegohdaii ts'a' nakhwak'injigwiighit gwandaa nitsii ohtsii, aji nitsii dhohtsaji t'ee t'ee gwandaa gaandaii choh hohlyaa.

⁶ Gaandaii choh dhoodlit t'ee deekhwa'in datthak adak'ootii; adak'ootii lyaa akhagohnya' shrq', ts'a' akhagahohjyaa kwaa ts'a' Vit'eegwijyahchy'aa vik'it t'igweechey'aa gwizhrh vaa ohji.

⁷ Vit'eegwijyahchy'aa zhrih vaa ohji ts'a' gwik'injiighit naji ch'eet'igwiniindhan gooveenjit khwa'ji, nakhwalak naji eet'ohthan gwik'it gooveet'ohthan.

⁸ Jii kwaii gaakhwandaii lyaa gwat'oohchy'aa, khit ts'a' vaakhwa'ji ji', Diik'eegwaadhat Jesus Christ vaakhwandaii gwizhit Vit'eegwijyahchy'aa veenjit gwiizuu tr'agwahoh'yaa kwaa gwits'i' nakhwats'ihenyaa eenjit t'ihnyaa. ⁹ Aji kwaii ch'ihlee yii'ji kwaa ji', nahgwan gwizhrh nakhwaagweech'in ts'a' nakhwandee naatthaa k'it t'igweechey'aa, yeenii nakhwatr'agwaanduu nakhweenjit ginildee kwaa k'it t'akhwa'in.

¹⁰ Shalak gwik'injiighit naji, Vit'eegwijyahchy'aa gwitee nakhozhrii ts'a' tr'anakhwahchji deekhwa'ya' nakhoonyaa izhit khit gwik'it gohdaii, jyaa dohchy'aa ji' nakhwak'injigwiighit duuyeh akhagoohnyaa. ¹¹ Jyats'a' t'ee Diik'eegwaadhat, Jesus Christ needinahahshii, ts'a' Veegwini'ee ndaagwaa'aji kwaa lyaa gwint'oo veechji nihdeehohdaa t'oonchy'aa.

¹² Ch'ada'i hee vaakhwandaii ts'a' gwik'it t'ohchy'aa gaa jii deenakhwaiinya' geenjit khit gineenakhwaha'daii geenjit. ¹³ Deegwahkhyuk gwihdaii datthak, jii kwaii geenjit gineehoondaii gwizhrh gweheezyaa. ¹⁴ Jii shatthai' it'ee niighit

kwaa hahchyyaa eenjit Diik'eegwaadhat Jesus Christ gwinzii shaagwildak. ¹⁵ Shat'aii datthak haa jii kwaii gineehoondée kwaa aji eenjit gwik'eegwihidaii, shihekwaa gwats'a' datthak.

Leji Naj Christ Vich'eegwahndit Dagandee Haa Googwah'ya'

¹⁶ T'aih haa Diik'eegwaadhat Jesus Christ k'ineeheedik jyaa nakhwaihnyaa dai' aji zhyaa k'ii'an gwandak tr'ahtsii t'igwinyaa kwaa, diinandee haa gwihil'ee gwarah'ya' t'igwinyaa.

¹⁷⁻¹⁸ Ch'eegwahndit akwat hil'ee haa Vit'eegwijyahchy'aa Gwiti' yint'eegwiin'aji dai' ddhah shroodiinyaa kat tr'iilk'ii gwiizhit t'igwiizhik. Izhit dai' ch'eegwahndit gwachoh k'iidaa goo'aii zhit gwats'an jyaa digwinyaa, "Jii t'ee Shidinji, veet'iihthan lya vashoo'ahji!" Zheekat gwats'an jyaa digwinyaa gwiriith'ak.

¹⁹ Yeenaa dai' Degtly'aa Choh zhit Vit'eegwijyahchy'aa Eenjit Ginkhii Naj deegiiny'a' Jesus eeginkhe' lya hi'didlii gaagwiindaii. Jii ginjik gwinzii gwadqohk'ii ji' gweheezyyaa, toq neech'arahdrii k'it t'inchy'aa, gwizhrh hee gwigweheechy'aa, gineech'ihée'aa ts'a' sa' nakhwadrii zhit neech'ahaahdrii t'ee Jesus t'inchy'aa. ²⁰ Ch'ihlee gaa duuyeh aji

Vit'eegwijyahchy'aa Eenjit Ginkhii naj deegiiny'a' t'igwinyaa gaagwiindaii kwaa izhit ganoondaii, Vit'eegwijyahchy'aa goots'a' gwizhrh nagwa'ak.

²¹ Vit'eegwijyahchy'aa Eenjit Ginkhii naj deegiiny'a' t'ee Degtly'aa Choh zhit gwats'an gwizhrh t'igwinyaa, dinji ts'anh t'igwinyaa kwaa gaa Ch'anky'aa Shroodiinyaa zhit

gwats'an gwizhr̄ih, Vit'eegwiyjahchy'aa viginjik eegoogwaandak t'iginyaa.

2

Li'didlii Kwaa Haa Geech'ogaahtan Najj

¹ Vit'eegwiyjahchy'aa eenjit ginkhii adaa'ijj najj yeenii Jews tee googwinli', izhit gwik'it juk chan nakhwatee Vit'eegwiyjahchy'aa Viginjik eech'ogaahtan adaa'ijj najj gweheelyaa. Gwineetak li'didlii kwaa haa geech'agooaahtan. Gook'eegwaadhat Jesus gooveenjit goiinkwat aijj haa gwiindaii kwaa giheeyyaa, aijj geh'an khan an adagahaatsyaa nagwahaadhal. ² Izhit googaa, gwik'injiighit lej̄j najj gook'it t'igii'in ts'a' gwiizuu nihlaa nigwigwii'ajj giheelyaa, jyaa digii'in geh'an gwik'injiighit kwaa najj Jesus vataijj aijj tr'agwaanduu giheenjyaa ts'a' geegigiheekhyaa. ³ Laraa zhr̄ih giindhan ts'a' jii Vit'eegwiyjahchy'aa eenjit ginkhii adaa'ijj najj zhyaa li'didlii nilii kwaa haa geech'agooahaachyaa laraa gahaatsyaa eenjit. Niighit daj̄' gwats'an Vit'eegwiyjahchy'aa giizuu gavahnyaa chy'aa adan aijj niighit kwaa an neegooahtsyaa gwizhr̄ih goo'aii.

⁴ Vit'eegwiyjahchy'aa yeenaa daj̄' zheekat-gwich'in iizuu dhidlit najj ch'ihlak gaa akhoonyaa kwaa ts'a' hell gwizhit t'eegoovahnaii, izhit hee Ch'aroahkat Drin gwats'a' t̄oq gwizhit ch'iitsii tly'ah haa dagahohchaa. ⁵ Vit'eegwiyjahchy'aa yeenaa daj̄', jii nankat chūu haa an gwiltsajj daj̄', vakat dinjii Vit'eegwiyjahchy'aa inehts'i' nilii najj, giik'eegwahthat kwaa, ts'a' chūu haa an gooviltsajj, gaa Noah t'ee Vit'eegwiyjahchy'aa

vandee ts'á' gwinzii gwizhrìh tr'agwah'in ts'á' Vit'eegwiyjahchy'aa k'eegohthat nyaḡa dinjii naḡi ts'á' geech'ḡaḡhtan, aḡi zhit geh'an Noah ts'á' vizhehk'aa 7 naḡi haa zhrìh an gaadlit kwaa goovitsaḡi. ⁶ Vit'eegwiyjahchy'aa aḡi Sodom ts'á' Gomorrah kwaiik'it gwachoo kḡ' haa an gwiltsaḡi, Vit'eegwiyjahchy'aa inehts'i' nilii naḡi googwahḡḡh'yaa ts'á' geedan chan an giheelyaa kwaa gwits'i' t'agoovah'in. ⁷ Lot zhrìh gwats'an tr'ḡḡhchii, dinjii nizii nilii geh'an, Vit'eegwiyjahchy'aa va-law k'eegwahthat kwaa naḡi ts'á' tr'agwaanduu nihḡaa nigwigwii'aḡi gwaḡḡh'in geenjit ḡyaa gitr'ii'ee. ⁸ Dinjii nizii nilii ts'á' gootee gwich'iḡi gaa drin gwiteegwaanchy'aa vandah gwiizḡḡ t'igwii'in, gwaḡḡh'in akwat gwiitth'ak eenjit gwant'oo viyinjì' zhit gwiizḡḡ ts'á' aḡi ts'an khaiinjich'iighit. ⁹ Ch'arohkat Drin nigwiindhat jì' Vit'eegwiyjahchy'aa gwik'injiighit kwaa iizḡḡ naḡi khaiinjich'igiheeghit ts'á' an goovahahtsyaa gaandaii, gaa juk gweendaa gwik'injiighit naḡi khaiinjich'igiighit gwats'an tr'iineegooviheelyaa. ¹⁰ Zhit juu tr'agwaanduu ch'aanagoih'aa zhrìh niindhan naḡi Vit'eegwiyjahchy'aa gook'aa t'aih di'iḡi geenjit niinjich'agadhat kwaa naḡi ch'andaa khaiinjich'ahahthat.

Geech'ḡaḡhtan adaa'iḡi naḡi t'ee, ts'á' khaiinjigihìl'ee gwizhit zheekat gwich'in vich'eegwahndit naḡi gihìl'ee kwaa ts'á' gwiizḡḡ goots'á' giginkhii. ¹¹ Geech'ḡaḡhtan adaa'iḡi naḡi, zheekat gwich'in iizḡḡ gaadlit naḡi goovandaa giint'aii googaa duuyeh Vit'eegwiyjahchy'aa andah gwiizḡḡ goots'á' geegiginkhii.

¹² Niinjich'agadhat kwaa ts'á' googwitr'it gwanlii, nin iizúú tr'ooheendal ts'á' tr'ahaahkhwaa k'it gooveegoo'aii. Gaagiindaii kwaa k'ii'an tr'eedeetch'agaajyaa. Nin iizúú k'it an giheelyaa.

¹³ Dinjii khaiinjich'iheedhaa googwahtsii gwit'íí geedan chan khaiinjich'igiheeghit. Drin gwhiteegwaanchy'aa gwiizúú gwizhrìh googwitr'it gwanlii áíí òyaa shragogwààhchy'aa, oozhii ts'í' ginlii ts'á' googwitr'it iizúú gwiizhit nakhwaach'igihee'aa gwiizhit gwint'òoo deenakhwagah'in gwashoogahahòyaa.

¹⁴ Goo'at t'inchy'aa kwaa haa giheechyaa gwizhrìh gwinkeegogwaah'in; tr'agwaanduu googwitr'it gwanlii òyaa geech'igiinjii kwaa. Dinjii vik'injigwiighit nint'aii kwaa náíí goodhaii nigilii t'igii'in, digidrii zhit khit gwandaa k'eiich'i' giindhan. Vit'eegwiyjàhchy'aa goots'í' t'inchy'aa.

¹⁵ K'eegwaadhat k'igwàà'ee vatáíí gwinjik gehk'aa tr'igiinjil ts'á' gavaatr'igweendaii, yeena daí' dinjii Beor vidinji' Balaam oaazhii áíí táíí gahaajil, áíí gwiizúú gwitr'it t'agwah'in haa laraa daatsii t'agah'in.

¹⁶ Vit'eegwiyjàhchy'aa gwiizúú gwitr'it t'agwah'in eenjit yeiinya'. Vit'eegwiyjàhchy'aa Eenjit Ginkhii nilii áíí dinjii vagwandaii iizúú k'it t'ahah'ya' akhai' valáíí choh tsal (donkey) áíí yats'á' dinjii k'it khagiinkhee ts'á' zhit t'igwehee'yaa kwaa t'ini'in datthak akhagoonyaà goovahnyaà.

¹⁷ Niinlaii gwatsal chùú kwaa goodlit k'it gaveegoo'aii, zheek'òh ahtr'aii choh haa vakwaa gwilik k'it chan gaveegoo'aii, áíí náíí t'ee dinjii giilí' k'it t'iginchy'aa geh'an, Vit'eegwiyjàhchy'aa oozhak tòq gwaazhraíí gwit'eh goo'aii kwaa izhit

hee gooveenjit nigwiin'ajj. ¹⁸ Khaiinjigihil'ee ts'ą' yee'at k'ii'an giginkhii, ajj najj tee goo'at akwat gookai' nilii kwaa najj haa tr'ohchųų zhr̄h giindhan, gwik'injiighit k'eejit najj ajj iizųų najj tee gwigwich'ijj googildroo gwats'an tr'ineegiheedaa geetr'agogwah'in. ¹⁹ Gwiizųų gwizhit tr'agwagwah'in gwats'an tr'ineekhwanarahahchyaa googahnyaą, gwiizhit geedan chan googwitr'it iizųų t'iginyaą. Jidii diinandaa t'ąąht'aii eenjit slaves tr'iinlii t'ee diits'ą' k'eegwahaadhat gwizh̄h t'oonchy'aa. ²⁰ Dinjii najj, Diik'eegwaadhat Jesus Christ neediihahshii haagiindaii k'iighai' datr'agogwaanduu akhagoonjik. Ajjt'ęę chan googaa zhat gwits'eegihii'oo ąą' gwandaa dinjii iizųų gilik t'agwarahnyaą. Tr'ookit ąą' vidivee deegoonchy'aa ajj gwandaa ts'ą' vidivee gweheezųų t'agwarahnyaą. ²¹ Gwandak Nizijj Shroodiinyaą goovant'eerin'ajj ts'ą' gwik'injiighit gaadlit, gwik'injiighit gaadlit googaa gwinehts'į' t'iginchy'aa neegaadlit. Tr'ookit ąą' Vit'eegwijyahchy'aa vandee ts'ą' dinjii nizijj gaadlit kwaa ji' ts'ąj gwandaa goodivee gweheezyaa. ²² Yeenaa ąą' Dęhtly'aa Choh tee Proverbs kat deegiizhik googahnyaą ajj lyaa li'didlii t'igwinyaą lee, “Łajj dakwaii ts'eeheedyaa ts'ą' neeyehee'aa.” akwat, “Pig vik'eech'ahtryaa t'ęę googaa lųhch'ant'at zhit neeheedyaa.” ajj gwik'it t'igii'in t'agwarahnyaą.

3

Diik'eegwaadhat Nineeheedyaa Gwinyaą Łyaa

T'igwinyaa

¹ Shijyaa nakhweet'ihthan naꞑꞑ, juk it'ee neekwat nakhwats'a' deꞑtly'aa aꞑsii. Aꞑꞑ deꞑtly'aa neekwaii danoihtl'oo aꞑꞑ kat juk li'didlii zhit gwinzii niinjich'ahohthat eenjit khit gineehoondaii eenjit nakhwaa neegwaaldak t'ihnyaꞑ. ² Yeenaa daꞑ' Vit'eegwijyaꞑhchy'aa Eenjit Ginkhii shroodiinyaꞑ naꞑꞑ googinjik haa jyaa giinya' aꞑꞑ ganoondaii, Jesus ditsyaa Tr'ihil'e' naꞑꞑ aꞑꞑ dahnyaꞑ gineehoondaii yuu, Diik'eegwaadhat neediihahshii viginjik nakhwantl'eegiinlii aꞑꞑ zhit chan ganoondaii. ³ Jii ch'andaa oodꞑꞑhk'iꞑ, Khaiinkꞑꞑ Drin zhit nigwiindhat ji' dinjii naꞑꞑ tr'agwaanduu datthak gwizhrꞑh t'igiindhan chy'aa gwizhrꞑh t'igihee'yaa, ts'a' nakhwak'injigwiighit eenjit nakhwageheedlaa. ⁴ Aꞑꞑ naꞑꞑ nakhwageheedlaa gwizhit nakhwagahaꞑꞑhkat, "Yeenii diilak ch'adaꞑ' hee nigijnjik gaa jii nan goodlit tth'aii hee nihk'it t'iichy'aa. Jesus oo'ee neehihdyaa nakhwarahnyaꞑ chy'aa adaajii?" ⁵ Niighit daꞑ' li'haa Vit'eegwijyaꞑhchy'aa viginjik haa jii nan, zhee haa goodlit izhit shroondaii gwigweheechy'aa kwaa. Chuꞑ tee nan khaiinlik jyahts'a' t'ee chuꞑ ts'an nan goodlit t'agwarahnyaꞑ. ⁶ Niighit daꞑ' Vit'eegwijyaꞑhchy'aa chuꞑ haa nan gwakat an gwiłtsaꞑꞑ. ⁷ Gaa Vit'eegwijyaꞑhchy'aa gwelkꞑꞑ daꞑ' diginjik haa datthak gwiłtsaꞑꞑ gaa juk dahthee nan akwat zhee zhit datthak, kꞑ' haa an gwahahtsyaa eenjit gwats'a' shroondaii nagwal'in. Izhit Ch'aroahkat Drin zhit ji', Vit'eegwijyaꞑhchy'aa nehts'i' nilii naꞑꞑ an giheelyaa goo'aii.

⁸ Shijyaa nakhweet'ihthan naꞑꞑ, jii ganoondee

shro'! Vit'eegwiyjahchy'aa drin ch'ihlak akwat 1,000 years haa nihk'it veenjit t'oonchy'aa, it'ee shrit jiintsii ts'ajj zhyaa k'it veenjit t'oonchy'aa. ⁹ Dinjii lat najj Diik'eegwaadhat oo'ee neeheedyaa kwaa giindhan gooveenjit niighyuk gwahthaa geh'an. Nakhwatee dinjii ch'ihlak gaa an ooli' shro' niindhan geh'an khalchi' kwaa ts'a' datthak tr'agwaanduu t'igii'in akhagagoonyaa ji' gavoonyaa, lyaa deenyaag gwik'it t'ihce'yaa t'inyaag.

¹⁰ K'eegwaadhat oo'ee neeheedyaa Drin ji' zhit gwa'an dinjii ch'ihceen'ijj eenjit neech'ahaan'ik izhit gwik'it t'ihceen'yaa, diirahtee t'igweheen'yaa. Izhit Drin ji' zheetii shraa hee'aa ts'a' gwint'aii deegweheentsai', ajjt'ee toq aadrii, sa', ajjts'a' jidii zheetii dhidlii datthak ko' haa gweheek'an ts'a' an gwilii t'igwinyaag, jii nan datthak haa jyaa nagwahaadhal. ¹¹ Jyajts'a' t'ee jidii datthak an heelyaa t'igwinyaag akwat nats'ahts'a' dinjii ohj' nohthan? Juk gwats'an Vit'eegwiyjahchy'aa vik'eegohthat ts'a' shroodiinyaag ohj'. ¹² Nakhwan, K'eegwaadhat oo'ee neeheedyaa eenjit nagoodhoo'in ts'a' khan oo'ee neeheedyaa eenjit khadhoochi', niighit kwaa gwik'it gweheelyaa eenjit dinjii nizijj ohj'. Zheetii dhidlii datthak an heelyaa ts'a' heek'an ts'a' datthak ko' ts'an tthah gehdaa kwaa niindhaa haa neegahaaghwan ts'a' an gweheelyaa t'oonchy'aa. ¹³ Vit'eegwiyjahchy'aa deeshi'yaa nyaag datthak eenjit nagooril'in, zheetii k'eejit ts'a', nan k'eejit haa nineehaatth'aa ajj kat juu najj datthak Vit'eegwiyjahchy'aa deenyaag gwik'it t'igiheechy'aa ts'a' gwigweheechy'aa.

¹⁴ Ajjts'a' t'ee, shijyaa najj, izhit drin geenjit

nagoodhoo'in, gwiizhit Vit'eegwijyahchy'aa vandee ts'a' gwinzii t'akhwa'yaa gwizhr̄h gwik'eegohdaii ts'a' vaa tsinehdan zhit gohdaii. ¹⁵ Jii juk gooh'in, Diik'eegwaadhat oo'ee neeheedyaa eenjit khadhooch̄i' kwaa, neenakhwahahshii ji' eenjit khai' ts'a' gwahthaa t'ii'in. Jyąhts'a' diiyaa Paul diiyaant'oo, Vit'eegwijyahchy'aa digwizhi' yint'eiin'ąj̄j̄ ąj̄j̄ t'aahchy'aa t'ii'in. ¹⁶ Vidęhtly'aa kwaii kat datthak jii gohju' deenakhwaiinya' adan chan gwik'it t'anakhwaiinya'. Gwalat deiinya' kwaii vagwantrii ts'a' dinjii tr'igwinjik ts'a' gwik'injiighit niint'aii kwaa di'j̄j̄ nąj̄j̄ zhyaa k'ii'an giidęhtly'aa kat hihtech'igeelyaa, ch'adanh Dęhtly'aa Choh kat gwadanakhwat'oo ąj̄j̄ kwaii zhyaa k'ii'an eegiginkhii. Aįj̄j̄ts'a' idigeenjit gwiizųų googwaatsii, Vit'eegwijyahchy'aa an goovahahtsyaa t'oonchy'aa.

¹⁷ Shijyaa nąj̄j̄ nakhwan ąj̄j̄, ch'adaį' hee gaakhwandaii, khit adak'ųųntii, Vit'eegwijyahchy'aa va-law k'eegwahthat kwaa akwat gaandaii kwaa nąj̄j̄ nakhwateeheelyaa gwits'į' adak'ųųntii. Gwik'injiighit niint'aii khwa'j̄j̄ ąj̄j̄ an heelyaa gwits'į' gwak'ųųntii. ¹⁸ Diik'eegwaadhat Jesus Christ neediinahahshii ts'a' Vich'eegoonzhrii tr'ii'j̄j̄ gwandaa vaakhwandaii k'iighai' nakhwak'injigwiighit heent'aii ts'a' nitsii hohtsyaa gwik'eegohdaii.

Vats'a' ch'eegwąhndit gooli', juk akwat ye'eendaa datthak! Amen!!

Vit'eegwijyahchy'aa Vagwandak Nizij New Testament in Gwich'in (US:gwi:Gwich'in)

copyright © 2010 Wycliffe Bible Translators, Inc.

Language: Gwich'in

Translation by: Wycliffe Bible Translators, Inc.

Gwich'in [gwi], USA

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 978-1-61338-040-6

The New Testament

in Gwich'in

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 29 Jan 2022

76f78026-a415-5a46-bbf9-abfff2b08023